

Laudatio Nicole Hürlimann

Liebi Nicole

Bes em Johr 2019 het d'Marianne Stadelmann s'Chindertorne gleitet. Mer händ denn öper Neus müesse sueche. Schnell semmer aber fündig worde. Ich ha dech emol agfrotg ond du hesch mer sofort zuegseit. Met vel Isatz hesch du die Ufgab übernoh. Scho bald send emmer meh Chender is Turne cho ond so het mer 2 Abteilige müesse mache, ufteilt i chlineri ond grösseri Chend. Du hesch di denn au bemüeht för en Unterstützig ond so 2 Studentinne gfonde. Emmer öpe hesch au müesse isprenge, wens be de Helferinne Usfäll geh het. Set letschte Herbst esch mer aber weder of 1 Stond zroggfahre.

Du hesch aber no en anderi Ufgab übernoh ond zwar Betreug vo de Website, wo d'Eliane Hunkeler gfuehrt het. Dini Idee esch denn au gsi, dass sech de Verein besser präsentiere söll. So hets via Club Desk en schön gstatteti Frontsite geh, au alli Tornerinne send jetzt erfasst. Au Änderige häsch du immer blitzschnell bearbeitet.

Wäge nem grössere Arbetspensum, Chend ond Familie gesch du dini Ämtli ab. De Turnverein möchti der ganz hätzlech danke för dieni gleischteti Arbet ond wönscht alles Gueti.

Generalversammlung 12. März 2026
Käthy Roth
Kassierin DTV Aarau